



UNIVERSITÄTS-
BIBLIOTHEK
PADERBORN

Universitätsbibliothek Paderborn

Margarita Evangelica

Essche, Nicolas van

Coloniae, 1545

De reparatione nostra per filium. 4

[urn:nbn:de:hbz:466:1-49323](https://nbn-resolving.org/urn:nbn:de:hbz:466:1-49323)

clarissime apprehendit. Erat enim ab omni peccati contagione mundissima, & introuersa in fundum animæ suæ, ubi continue per hanc viam gradiebatur, adherens iugiter suo principio Deo, ita ut vnigenitum filiū Dei, qui est veritas æterna, delectaret per ipsam procedere & esse cum filiis hominum, & perficere charitatem illam, in qua nos ab æterno dilexit. Et quamuis multum esset destructa & ignobilitata natura nostra, ipsæ tamen nos haudquaquam est dedignatus.

De reparatione nostra per filium

Dei.

Cap. III.

Surrexit igitur filius Dei de throno regali, & de sede gloriæ suæ, descenditque in virginalem uterum beatissimæ Mariæ, & de purissimis sanguinibus virginei cordis eius humanam naturam assumpsit. Delectabat enim dominum maiestatis in flore campi requiescere, & lilio cōuallium, ac humilitatis viola nutriri. Ipsa produxit nobis solem iustitiæ, & viam veritatis & vitam, qui est lux vera, quæ illuminat omnem hominem venientem in hunc mundum. Quisquis enim ambulat in fundo animæ, & habitat ante conspectum Dei, ille vitam recipit ab ipso, & omnium clarissime illuminatur. Propter hoc namque venit in hunc mundum, ut nostras tenebras illuminaret. Et ob hoc natus est, ut nos per natiuitatem ipsius in nouam vitam gratiæ renasceremur. Ob hoc denique nobiscum vixit & conuersatus est, ut nos omnem vitam & conuersationem nostram secundum ipsius perfectissimas virtutes ordinaremus. Ipse enim docuit nos pro-

A v ximam

MARGARITAE EVANG.

ximam ad veritatē viam, quæ nos ducit in sum-
 dum animæ nostræ, vt ipsum ibi quæramus &
 inueniamus. Hinc manifeste dicit: Regnū Dei in-
 tra vos est. Et: Thesaurus absconditus est in agro.
 Thesaurus iste Deus est, qui absconditus est in
 agro creatæ essentiæ ipsius animæ. Quod nimi-
 rum Propheta videbat, quando dixit: Vere do-
 mine, tu es Deus absconditus. ¶ Quisquis igi-
 tur Deum & quærere vult & inuenire, quærat
 eū in seipso, in intimo videlicet animæ suæ, vbi
 est imago Dei, & perfodiāt agrum creatæ essen-
 tiæ suæ: & ita seipsum inueniet idealiter increa-
 tū in essentia diuina, et in nuda essentia animæ,
 sicq; redibit in principium suum per Iesum Chri-
 stum, qui est via nostra, qui per passionem suam
 exoluit omne debitum nostrum, & fructuosum
 fecit, quicquid nos patimur, qui per mortem su-
 am destruxit mortem nostrā, & nobis vitā aeter-
 nam præparauit. Per spiritum quoq; suum pri-
 stinam libertatem restituit spiritui nostro, eum-
 que reduxit in principium nostrum, in nobilem
 fundum animæ, in quo Dei est habitatio, nosq;
 secum vniuit, vt illic eum adoremus in spiritu
 & veritate. Porro per animam suam omnes vi-
 res animæ nostræ reformauit, vt sit aptum instru-
 mentum, patientes ipsius diuinam inactionem.
 Per corpus denique suum, & pœnosam vitam
 atq; mortem suam, cor nostrum, sensus nostros,
 omnia membra nostra, corpusq; nostrum ab omni
 denuo macula peccatorum emūdauit, & nos pu-
 ros atq; mūdōs effecit, quatenus in nobis lux ve-
 ritatis & sol iustitiæ rursus oriretur, & in nos &
 per nos lumen suum diffunderent. ¶ Omnia
 quoq;

LIBER I.

quoque reformauit in nobis, quæ in Adam de-
 fructa erāt, & copiosissime nobis restituit, quic-
 quid per Adam nobis ablatum fuit, si tamen i-
 pſi voluerimus, & nos intus & exterius iuxta vi-
 as eius direxerimus, prædictumq; nobile princi-
 pium ſtudioſe obſeruare conemur, vt in ipſum
 redire & refluere poſſimus, & qd ſit illud, quod
 angelis præcepit, & hominibus prohibuit, &
 qualiter per ſeipſum nos reparauit, attēdere. Cū
 enim perditī eſſemus, ipſe nos in principiū no-
 ſtrum reduxit, vt ei ſimul eū illis cœleſtibus ſpi-
 ritibus miniſtremus, & in eius præſentia manea-
 mus, & hominibus ob amorem ipſius libēter in-
 ſeruiamus, (Sic nempe agentes cum bonis ange-
 lis nos confirmabit, facietq; nos cœleſtes ſpiri-
 tus, & angelos terreſtres, thronumq; ſuum, atq;
 cœlum in noſtro ſpiritu conſtituet) & ne tranſ-
 grediamur illud, quod prohibitum eſt, quatenus
 anima noſtra paradīſus pacis eſſe poſſit, & no-
 biſcum ipſe ambulare valeat, atq; in anima no-
 ſtra paradīſum voluptatis conſtituere, quem fru-
 ctuoſum reddat omnium virtutum aromatibus:
 & vt deniq; ſanctiſſima vita atq; paſſio ipſius
 iugiter ſint in corde noſtro, in ſignum amoris, ſe-
 cundum quas vitam & cōuerſationem noſtram
 ordinare debemus, & effici fecundus ager in
 cordibus noſtris, in quo ſponſus ambulare, &
 quem fonte miſericordiæ ſuæ fertilem ac fructu-
 oſum reddere poſſit. Sane in his punctis vetus
 ac nouum teſtamentum exercetur, in eo ſcilicet,
 quod iugiter inhæreamus nobiliſſimo princi-
 pio noſtro, & cum angelis obſeruemus man-
 data Dei, & quæ prohibita ſunt ab ipſo,
 cauea-

MARGARITAE EVANG.

caueamus cum hominibus, & signa dilectionis redemptoris nostri circumferamus in nobis, & habitemus in eo, & ipse in nobis. Et si quandoque per humanam fragilitatē excedere nos contingat, statim agnoscamus culpam nostram, & gratiam postulemus, noxiamque peccati nostri vitemus excusationem, in qua videlicet Adam & Eva nimis obstinati perseverabant. Sic enim nostri miserebitur Deus, & non eiciet nos e caelo spiritus nostri, neque extra paradysum animae nostrae. Hinc sanctus ait Bernardus: Nihil ita prouocat iram Dei, sicut maledicta excusatio sui. Propterea nos ipsos semper accusemus coram iusto iudice Deo, cui secreta cordis apparent: & sic poterimus a peccatis nostris eximi, & auxilio gratiae suae conseruari in illa via, in qua nimirum ipse nos collocauit. Et in isto omnia includuntur.

De triplici vnione, in qua vita superessentialis proficiens, & actiua perficiuntur. Cap. V.

Sciendum est autem, quod supra scripta & subsequens materia ducit nos in tres gradus, & triplicem vitam, & in tres illas partes, quae sunt in homine. Quilibet namque homo quasi tres homines referre videtur. Secundum corpus bestialis est, secundum animam rationalis & intellectualis, secundum spiritum vero in nuda essentia animae, quam Deus inhabitat, Deiformis existit. Porro haec tria singula sua exercitia suumque ornatum habere oportet, si cum Deo vniri, & Christo conformari velimus. Est autem triplex valde